

**JAVNA USTANOVA DOM ZDRAVLJA  
KANTONA SARAJEVO  
UPRAVNI ODBOR**

**Broj:**

**Datum:**

Na osnovu člana 32., i 34., Statuta Javne Ustanove Dom zdravlja Kantona Sarajevo i člana 34. Poslovnika o radu Upravnog odbora Javne Ustanove Dom zdravlja Kantona Sarajevo sastavlja se sljedeći:

**ZAPISNIK**

sa četvrte redovne sjednice Upravnog odbora Javne Ustanove Dom zdravlja Kantona Sarajevo održane dana 09.10.2019. godine u prostorijama Uprave Ustanove u ul. Vrazova 11, sa početkom u 15.30 sati:

**Sjednici su prisustvovali:**

- Abel Baltić, predsjednik
- Alen Pilav, član
- Lejla Begović, član
- Remzija Šetić, član

**Kasnjenje:**

- Branislav Kotjelnikov, uredno najavio zakašnjenje, pridružio se radu Upravnog odbora na drugoj tački dnevnog reda

**Ostali prisutni:**

Prof.dr Mehmed Kulić, v.d. generalni direktor  
Zlatko Viteškić, dipl.polit., sekretar Upravnog odbora

Obzirom da su se stekli uslovi za punopravno odlučivanje Upravnog odbora Javne Ustanove Dom zdravlja Kantona Sarajevo predsjednik Upravnog odbora je pozdravio prisutne i pročitao predloženi dnevni red:

**DNEVNI RED**

1. Usvajanje Zapisnika sa treće redovne sjednice Upravnog odbora JU Dom zdravlja Kantona Sarajevo održane 02.10.2019 godine.
2. Ramatranje stanja u laboratorijskim službama JU Dom zdravlja Kantona Sarajevo  
(Predlagač: Upravni odbor)  
(Izvjestilac: Dženana Tanović, pomoćnik generalnog direktora za medicinske poslove)

**3. Razmatranje stanja u primarnoj zdravstvenoj zaštiti.**

(Predlagač: Upravni odbor)

(Izvjestilac: Dženana Tanović, pomoćnik generalnog direktora za medicinske poslove)

**4. Prijedlog za sedmu izmjenju i dopunu Plana javnih nabavki za 2019 godinu**

(Predlagač: prof.dr Mehmed Kulić, VD generalni direktor)

(Izvjestilac: prof.dr Mehmed Kulić, VD generalni direktor)

**5. Izjašnjenje na Prigovor u vezi sa provođenjem konkursne procedure po javnom oglasu objavljenom 01.07.2019 godine (Nermina Tvrtković, Merima Hošić, Indira Mujezin, Haris Selimbegović, Mirza Bečirčić, Azra Muharemović, Amela Duro, Alma Solaković, Maja Alihodžić)**

(Izvjestilac: Zlatko Viteškić, sekretar Upravnog odbora)

## **6. Razno**

Abel Baltić, predsjednik Upravnog odbora je predložio da se kao tačka šest dnevnog reda uvrsti imenovanje Komisije za utvrđivanje formalno – pravne ispravnosti pristiglih prijava na javni oglas za izbor i imenovanje generalnog direktora, a da se tačka Razno uvrsti kao sedma tačka predloženog dnevnog reda.

Navedeni prijedlog je jednoglasno prihvaćen.

Uz navedenu izmjenju dnevni red četvrte redovne sjednice Upravnog odbora glasi:

**1. Usvajanje Zapisnika sa treće redovne sjednice Upravnog odbora JU Dom zdravlja Kantona Sarajevo održane 02.10.2019 godine.**

**2. Razmatranje stanja u Službama za laboratorijsku dijagnostiku JU Dom zdravlja Kantona Sarajevo**

(Predlagač: Upravni odbor)

(Izvjestilac: Dženana Tanović, pomoćnik generalnog direktora za medicinske poslove)

**3. Razmatranje stanja u primarnoj zdravstvenoj zaštiti.**

(Predlagač: Upravni odbor)

(Izvjestilac: Dženana Tanović, pomoćnik generalnog direktora za medicinske poslove)

**4. Prijedlog za sedmu izmjenju i dopunu Plana javnih nabavki za 2019 godinu**

(Predlagač: prof.dr Mehmed Kulić, VD generalni direktor)

(Izvjestilac: prof.dr Mehmed Kulić, VD generalni direktor)

**5. Izjašnjenje na Prigovor u vezi sa provođenjem konkursne procedure po javnom oglasu objavljenom 01.07.2019 godine (Nermina Tvrtković, Merima Hošić, Indira Mujezin, Haris Selimbegović, Mirza Bečirčić, Azra Muharemović, Amela Duro, Alma Solaković, Maja Alihodžić)**

(Izvjestilac: Zlatko Viteškić, sekretar Upravnog odbora)

**6.** imenovanje Komisije za utvrđivanje formalno – pravne ispravnosti pristiglih prijava na javni oglas za izbor i imenovanje generalnog direktora.

(Predlagač: Abel Baltić, predsjednik Upravnog odbora)

(Izvjestilac: Abel Baltić, predsjednik Upravnog odbora)

## 7. Razno

Predloženi dnevni red je jednoglasno usvojen

**Ad.1.** Usvajanje zapisnika sa treće redovne sjednice Upravnog odbora JU Dom zdravlja Kantona Sarajevo održane dana 02.10.2019 godine.

Nije bilo diskusije po navedenoj tački dnevnog reda, te je predloženi Zapisnik sa treće redovne sjednice Upravnog odbora jednoglasno usvojen.

**Ad.2.** Razmatranje stanja u Službama za laboratorijsku dijagnostiku JU Dom zdravlja Kantona Sarajevo

(Predlagač: Upravni odbor)

(Izvjestilac: Dženana Tanović, pomoćnik generalnog direktora za medicinske poslove)

Abel Baltić, predsjednik Upravnog odbora je dao riječ izvjestiocu po ovoj tački dnevnog reda Dženani Tanović, pomoćniku generalnog direktora za medicinske poslove. Imenovana je zahvalila na pozivu te ukratko upozanala Upravni odbora sa organizacijom i načinom rada Službi za laboratorijsku dijagnostiku, posebno je istakla da je trenutno stanje kadra zadovoljavajuće, te da su timovi dobro popunjeni sa svim kadrom propisanim po važećim normativim. Naglasila je da trenutno nema problema sa nedostatko potrošnog materijala i reagenasa potrebnih za pružanje kvalitetnih laboratorijskih usluga, isto tako je rekla i da nema problema sa opremom u navedenim službama koja je kvalitetna i radi u punom kapacitetu. Rekla je da Ustanova nema skladištenja laboratorijskih reagenasa jer se trebaju mjesečno što je sasvim zadovoljavajuća dinamika potpuno usklađena sa potrebama Ustanove. Naglasila je da se u laboratorijskim službama pruža veliki broj usluga iz osnovnog paketa zdravstvenih usluga, kao i neke usluge, kao što je CRP, koje nis dio osnovnog paketa usluga. Napomenula je da je glavni cilj menadžmenta racionalizacija u smislu da se rade ciljane pretrage potrebne pacijentima. Svi prisutni su se složili da se mora urediti saradnja između zdravstvenih ustanova Kantona Sarajevo bilo kog nivoa, te da u smislu racionalizacije treba ići prema centralizaciji kompletnog sistema što značajno racionaliziralo troškove, bez da se umanjí kvalitet zdravstvene zaštite.

**Ad.3.** Razmatranje stanja u primarnoj zdravstvenoj zaštiti.

(Predlagač: Upravni odbor)

(Izvjestilac: Dženana Tanović, pomoćnik generalnog direktora za medicinske poslove)

Abel Baltić, predsjednik Upravnog odbora je dao riječ izvjestiocu po ovoj tački dnevnog reda Dženani Tanović, pomoćniku generalnog direktora za medicinske poslove. Imenovana je zahvalila na pozivu te ukratko upozanala Upravni odbora sa organizacijom i načinom rada primarne zdravstvene zaštite. Pri čemu je posebno naglasila nedostatak kadra specijalista neuropsihijatrije i nedostatak kadra svih profila u porodičnoj medicini, posebno doktora medicine koji odlaze na specijalizaciju. Tom prilikom je naglasila da se mora brzo reagovati u smislu znavljanja kadra. U specijalističkim službama je istakla problem nedostatka neurologa i inetrnista. Posebno je istakla da postoji jedino lista čekanja na usluge Radiološke i UZ dijagnostike, što je već dugogodišnji problem uzrokovan nedostatkom specijalista radiologije, kao i adekvatne opreme. Alen Pilav, član Upravnog odbora je pitao postoji li način da se lista čekanja umanji. Izvjetilac je rekla da je glavni nedostatak kadra koji se mora rješavati u saradnji sa resornim ministarstvom.

**Ad.4.** Prijedlog za sedmu izmjenu i dopunu Plana javnih nabavki za 2019 godinu

(Predlagač: prof.dr Mehmed Kulić, VD generalni direktor)

(Izvjestilac: prof.dr Mehmed Kulić, VD generalni direktor)

Izvjestilac je kratko upoznao prisutne sa sadržajem predložene sedme Izmjene i dopune Plana javnih nabavki za 2019 godinu. Rekao je da se predložena izmjena odnosi na postupke nabavki i održavanja rashladnih uređaja i klima. Iznos u početnom planu je bio podijeljen na više lotova za šta nema potrebe, te se može provesti jedan postupak. Posebno je naglasio hitnost usvajanja predložene izmjene zbog određenih problema u hladnom lancu vakcinacije.

Nije bilo diskusije po navedenoj tački dnevnog reda

Upravni odbor je ejdnoglasno usvojio predloženu sedmu izmjenu i dopunu Plana javnih nabavki za 2019 godinu.

.

**Ad.5.** Izjašnjenje na Prigovor u vezi sa provođenjem konkursne procedure po javnom oglasu objavljenom 01.07.2019 godine (Nermina Tvrtković, Merima Hošić, Indira Mujezin, Haris Selimbegović, Mirza Bečirčić, Azra Muharemović, Amela Duro, Alma Solaković, Maja Alihodžić, Adnan Halimanović, Senka Čimpo)

Predsjednik Upravnog odbora je dao riječ Viteškić Zlatku sekretaru Upravnog odbora kojie je izvjestio prisutne da je konkursna procedura po konkursu raspisanom 01.07.2019 godine dovedena do kraja te da je većina pozicija u žalbenom roku. Pristigle žalbe rješava Upravni odbor kao drugostepeni organ odlučivanja, još je rekao da je kompletna konkursna procedura provedena pod nadzorom supervizora Belme Adilović imenovane od strane antikorupcionog tima Vlade Kantona Sarajevo koja nije imala nijednu primjedbu na provođenje konkursne procedure. Posebno je naglasio da je bilo nekoliko inspeksijskih nadzora, od kojih su negativno po Ustanovu riješeni samo oni koji se tiču pozicije 8 javnog oglasa diplomirana medicinska sestra. Još je rekao da danas delegirane žalbe nisu žalbe na povredu postupka što je najvažnije za uspješnost konkursne procedure. Nije bilo značajne diskusije po navedenoj tački dnevnog reda te su odbijene kao neosnovane žalbe kako slijedi:

- Nermina Tvrković,
- Mirza Bečirčić
- Azra Muharemović
- Maja Alihodžić
- Adnan Halimanović
- Haris Selimbegović
- Armina Gerin
- Sarajkić Bučan Lejla

kao osnovane usvojene su žalbe:

- Alma Solaković, žalba se odnosila na činjenicu da izabrani kandidat za poziciju 15. Psiholog nema završen filozofski fakultet odsjek psihologija, uvidom u dokumentaciju utvrđeno je da je žalba osnovana, odnosno da izabrani kandidat nije ispunio formalno – pravne uslove konkursa.
- Merima Hošić, žalba je upućena na polaganje pismenog dijela konkursa izabranog kandidata Lejle Imamović, koja je dan poslije polagala pismeni ispit sa istim pitanjima. Uvidom u dokumentaciju utvrđeno je da je žalba osnovana.
- Indira Mujezin, žalba je upućena na polaganje pismenog dijela konkursa izabranog kandidata Lejle Imamović, koja je dan poslije polagala pismeni ispit sa istim pitanjima. Uvidom u dokumentaciju utvrđeno je da je žalba osnovana.
- Senka Čimpo, žalba se odnosila na činjenicu da izabrani kandidat za poziciju 15. Psiholog nema završen filozofski fakultet odsjek psihologija, uvidom u dokumentaciju utvrđeno je da je žalba osnovana, odnosno da izabrani kandidat nije ispunio formalno – pravne uslove konkursa.
- Amela Duro, žalba upućena na kompletnu konkursnu proceduru. Abel Baltić, predsjednik Upravnog odbora je rekao da ima usmeno saznanje da kandidat Amela Duro nema adekvatnu licencu, a da izabrani kandidat Mersiha Kriko nema završenu dodatnu edukaciju iz porodične medicine PAT. Uvidom u dokumentaciju utvrđeno je da Amela Duro ima važeću dokumentaciju, a da Mersiha Kriko nema završenu dodatnu edukaciju iz porodične medicine PAT. Nakon pregleda dokumentacije Upravni odbor je jednoglasno vratio prvostepenom organu predmet uz napomenu da se dalja procedura provodi bez kandidata Mersihe Kriko.

U okviru ove tačke dnevnog reda razmatran je i zahtjev Ademira Spahića dostavljen putem advokata za dostavu kompletne dokumentacije za poziciju 8 diplomirana medicinska sestra – patronaža. Upravni odbor je donio zaključak kojim je zadužio generalnog direktora da se dostavi tražena dokumentacija u što kraćem roku.

**Ad.6.** imenovanje Komisije za utvrđivanje formalno – pravne ispravnosti pristiglih prijava na javni oglas za izbor i imenovanje generalnog direktora.

(Predlagač: Abel Baltić, predsjednik Upravnog odbora)

(Izvjestilac: Abel Baltić, predsjednik Upravnog odbora)

Sekretar Upravnog odbora je rekao da Upravni odbor mora formirati Komisije za utvrđivanje ispunjavanja uslova svih prijavljenih kandidata, kao i ispravnost dokumentacije prijavljenih kandidata na javni oglas za izbor i imenovanje generalnog direktora JU Dom zdravlja Kantona Sarajevo. Abel Baltić, predsjednik Upravnog odbora je rekao da VD generalni direktor treba predložiti sastav navedene komisije. VD generalni direktor je predložio sljedeći sastav Komisije:

- Dijana Arslanagić
- Denaida Ovčina
- Melika Babić
- Bediha Palo
- Esmā Zlatar

Navedeni prijedlog je jednoglasno usvojen, te je imenovanoj komisiji dat rok od sedam dana od dana prijema rješenja za dostavljanje izvještaja Upravnom odboru.

### **Razno**

Prof.dr Mehmed Kulić je rekao da ima molbu za Upravni odbor da se da saglasnost za potpis Ugovora za provedni postupak javne nabavke protetskog materijala, što je jednoglasno usvojeno.

**Četvrta redovna sjednica je završena u 17 sati i 25 minuta.**

**SEKRETAR UPRAVNOG ODBORA**

*Zlatko Viteškić, dipl.polit.*

---

**PREDSJEDNIK UPRAVNOG ODBORA**

*Dr.sci. Abel Baltić,  
specijalista interne medicine*

---